

Headline	Pasukan petugas pantau pokok teduhan adakan mesyuarat pertama bulan ini - Dr		
MediaTitle	Sinar Harian		
Date	05 Jun 2024	Color	Black/white
Section	Nasional	Circulation	140,000
Page No	13	Readership	420,000
Language	Malay	ArticleSize	113 cm ²
Journalist	N/A	AdValue	RM 1,266
Frequency	Daily	PR Value	RM 3,797



Pasukan petugas pantau pokok teduhan adakan mesyuarat pertama bulan ini - Dr Zaliha

PUTRAJAYA - Pasukan petugas yang ditubuhkan untuk memantau secara terperinci dan menyelenggara pokok-pokok teduhan di sekitar ibu negara akan mengadakan mesyuarat pertama bulan ini.

Menteri di Jabatan Perdana Menteri (Wilayah Persekutuan), Dr Zaliha Mustafa berkata, pihak Kementerian Perumahan dan Kerajaan Tempatan (KPKT) juga dijemput bagi menghadiri mesyuarat itu yang belum ditetapkan tarikhnya.

Beliau berkata demikian kepada pemberita selepas menyaksikan majlis menandatangani memorandum persefahaman (MoU) dan perjanjian Bekalan Tenaga Boleh Baharu (SARE) antara Perbadanan Putrajaya

dan Tenaga Nasional Berhad di sini pada Selasa.

Pasukan petugas itu turut melibatkan badan bukan kerajaan, arboris (pakar tumbuhan berkayu) dan pakar dari Institut Penyelidikan Perhutanan Malaysia (FRIM).

Ditanya mengenai cadangan KPKT tentang perlunya pihak berkuasa tempatan (PBT) mempunyai arboris dalam perkhidmatan bagi menambah baik pengurusan landskap di setiap kawasan perbandaran, Dr Zaliha menyambut baik cadangan itu.

"PBT di Wilayah Persekutuan sememangnya mempunyai arboris serta kepakaran luar," katanya. - *Bernama*